



## Radni zadatak: Provedba dvodnevnog treninga o prikupljanju sredstava (fundraising) u kontekstu rada lokalnih nevladinih organizacija

### Osnovne informacije:

Projekat „Sigurno utočište: Razvijanje resursa skloništa za žrtve trgovine ljudima na Zapadnom Balkanu“ ima za cilj da osnaži skloništa za žrtve trgovine ljudima u ciljanim zemljama kako bi se boravak i kvalitet usluga žrtvama trgovine ljudima unaprijedio kroz dodatno i održivo finansiranje. World Vision u BiH saraduje i realizuje aktivnosti sa projektnim partnerima, lokalnim nevladinim organizacijama, u Albaniji (Mary Ward Loreto/WV Albanija), Bosni i Hercegovini (Fondacija Lara), Sjevernoj Makedoniji (Open Gate La Strada) i Srbiji (Atina) te zajednički trebaju doprinijeti poboljšanom kvalitetu i pristupu skloništim za žrtve trgovine, razvoju dodatnih održivih izvora finansiranja i uspostavljanju funkcionalne regionalne mreže pružalaca usluga skloništa.

### Svrha i cilj angažmana

Angažman ima za svrhu pripremu i provedbu:

- 2 dana strukturiranog treninga usmjerenog na unapređenje znanja i vještina članova projektnog tima (WV BiH i projektne partnere) o različitim aspektima prikupljanja sredstava (fundraising)

Trening će okupiti nevladine organizacije, projektne implementacijske partnere, koji imaju iskustvo u radu s potencijalnim žrtvama trgovine ljudima. Neki od njih već imaju ostvarene rezultate u prikupljanju sredstava, dok neki tek započinju graditi iskustvo u ovom domenu. Trening će, između ostalog, poslužiti kao platforma za prijenos iskustava i razmjenu dobrih praksi o modelima i aktivnostima prikupljanja sredstava te pružiti znanje i smjernice za projektne aktivnosti za prikupljanje sredstava u složenim okolnostima i zahtjevima tržišta projektnih zemalja, potencijalnih donatora i sponzora.

Jedan od ciljeva projekta jeste da se osigura dugoročno i samoodrživo finansiranje skloništa za žrtve trgovine ljudima, te kao dio projektnog plana, predviđeno je da svaka projektna zemlja istraži opcije, zagovara i ostvari prikupljena sredstva koja će biti usmjerena na podršku žrtvama trgovine ljudima u skloništim. Svaki od projektnih partnera bi trebao u svojim zemljama organizovati treninge o prikupljanju sredstava, istražiti mogućnosti za namicanje sredstava i dokumentovati ostvarena partnerstva i sredstva za podršku usluga skloništa. Stoga ovaj dvodnevni trening treba da procjeni obim dosadašnjih napora i iskustava projektnih partnera u oblasti prikupljanja sredstava, te unaprijedi kapacitete učesnika/ca i ojača projektne otpornost u suočavanju sa složenošću trenutnog stanja na tržištu i uspješnost u smjeru prikupljanja sredstava. Trening bi





trebao da osigura i pomogne partnerima da tokom treninga kreiraju svoje planove aktivnosti s ciljem usmjerenja za prikupljanje sredstava koji će im pomoći u primjeni projektnih aktivnosti u svojim kontekstima/zemljama.

### Zaduženja i odgovornosti

- Priprema i realizacija 2 dana treninga (u trajanju do 6h po danu treninga bez pauza za kafu i ručak) o prikupljanju sredstava u kontekstu rada nevladinih organizacija fokusiranih na rad sa žrtvama trgovine ljudima uz dostavljanje prijedloga agende/plana rada;

### Vremenski okvir:

Za sve zadatke definisane uslovima angažmana, agencija/fizičko lice će biti angažovana u april/maj 2026., u dole navedenim specifičnim vremenskim periodima.

Očekivani rezultat	Period implementacije ili datum dospjeća
U konsultacijama i saradnji sa projektnim timom, predložiti agendu za trening, osigurati pripremu i radni materijal za vođenje dva dana treninga	Do 01. maja 2026.
Realizacija dvodnevog treninga	14. i 15. maj 2026.

### Prijava

Ponuda treba da uključuje:

1. Profil agencije ili biografiju fizičkog lica;
2. Finansijsku ponudu.

